





20
21
22
23
24
25
26
27
28
29
30
31
32
33
34
35
36
37
38
39
40
41
42
43
44

96335

h392
894
=1-6








巽齋所藏錢錄


海陵費錫申編輯

南宋錢二百十二品





建炎錢南宋高宗所鑄也按通鑑靖康二年高宗
即位於南京改元建炎食貨志曰建炎錢經兵鼓
鑄皆廢本紀建炎元年九月壬辰鑄建炎錢書法
有楷篆二體










又二品折二錢按本紀建元元年九月庚戌始通大錢於淮浙荆湖諸路




紹興錢亦高宗鑄按通鑑建元五年改元紹興又本紀紹興元年八月壬午鑄紹興錢十五年詔利

州錢監鑄錢一十萬緡錢文有通寶元寶背有星月文







又六品折一錢錢文曰通寶直下讀楷書曰元寶
左旋讀有楷篆一體又背作星月文



又一品甚巨或曰當三錢





隆興錢南宋孝宗所鑄也按食貨志曰隆興元年
詔鑄隆興元寶錢

















乾道錢亦孝宗鑄按本紀隆興三年改元乾道六


年鑄錢司歸運使二月復置舒州同安監六月置
蘄州蘄春監十二月置黃州齊安監江州廣寧監
臨江軍豐餘監撫州裕國監皆鑄錢末一品鐵錢



淳熙錢亦孝宗鑄本紀乾道十年改元淳熙詔罷
鐵錢改鑄銅錢背間鑄星月文自七年紀年鑄七
字至十六年背皆鑄字錢文鑄年數自此始




又十一品折二錢背文同前




又四品折二鐵錢食貨志曰淳熙中詔舒蘄等監復鑄鐵錢並增鑄五萬貫文曰淳熙通寶背鑄錢


監等名有春十二舒松同十四春七各字



紹熙錢南宋光宗所鑄也按宋史光宗即位改元紹熙食貨志曰紹熙二年戒蘄春同安監歲鑄錢各十萬緡譜曰宋錢篆文自紹熙止後皆楷書背鑄元字至五字今缺五字一品




又五品折一錢





又四品折一鐵錢第一品背文同二第二品背文
 同四第三品背文漢五第四品篆文背春三

慶元錢南宋寧宗所鑄也按宋史紹熙五年秋七月寧宗即位改次年元日慶元錢以通寶為文背鑄元字至六字




又一品小平鐵錢背文春五同六






又五品折一錢背文鑄有元字至六字余所缺惟
六字一品




又二品折一鐵錢背文同二春三




又三品折三大錢食貨志曰慶元三年復睦州神
泉監以所括銅器鑄當三大錢隸工部製特精妙
背鑄三四五六字茲缺三字

嘉泰錢亦宣宗鑄按宋史宣宗本紀慶元六年十一月癸卯詔改明年元曰嘉泰凡四年錢文嘉泰通寶背鑄元字至四字





又二品鐵錢背文同一同二




又四品折一錢背文悉如小平錢鑄元字至四字春草堂載有五字錯




又一品大錢按西清古鑑云是當二錢也背無紀年字




開禧錢亦寧宗鑄按寧宗本紀嘉泰四年十二月已亥詔改明年元曰開禧凡三年錢文開禧通寶背鑄元字至三字





又一品鐵錢背文同








又三品折三錢背亦元二三字按董道日開禧大錢有元寶余未見




又一品折二鐵錢背文春三










嘉定錢亦寧宗鑄按寧宗本紀開禧三年十二月
 丁卯改明年元日嘉定凡十七年背鑄元字至十
 七二字余少十五十六十七三品







皇朝所藏錢錄 卷六 三




又十三品折二錢按此錢背文鑄字與小平錢同
 余所得元字至三字五字至十四二字少四字十
 五二字十六二字十七一字





又六品折一鐵錢第一品背文春二第二品背文春四第三品背文春十第四品背文春十二第五品背文同一第六品背文漢一




又一品大錢文曰嘉定元寶左旋讀背有折十二字食貨志曰紹興惠民二監鑄三十萬貫同當三折一小平錢並行








大宋錢南宋理宗所鑄也按宋史理宗卽位改元寶慶秋七月乙酉詔行大宋元寶錢食貨志曰寶慶元年新錢以大宋元寶爲文西清古鑑曰猶之開寶鑄宋元寶元鑄皇宋之意











又一品鐵錢背文春元




又三品折二錢背文元字至三字或曰有寶慶元寶大錢並未一見




紹定錢亦理宗鑄按寶慶三年冬大赦改明年元日紹定凡六年錢文紹定通寶背鑄元字至六字





又六品折一錢背文元字至六字







端平錢亦理宗鑄按理宗本紀紹定六年十一月
丙申改明年元曰端平食貨志曰端平元年錢用
膽銅所鑄故不耐久舊錢精緻者泄於海泊雖申
嚴禁不復能止背文鑄元字至二字茲錄元字一
品餘未有




又一品當五錢面文通寶背光幕




又一品大錢面文元寶背利折十二字當十錢也




嘉熙錢亦理宗鑄按理宗本紀端平三年十二月
壬寅改明年元曰嘉熙食貨志曰嘉熙新錢以通
寶爲文背鑄元字至四字









又三品折二錢少四字一品















又一品大錢文曰重寶背光幕蓋當十錢也







淳祐錢亦理宗鑄按理宗本紀嘉熙四年冬十月
癸巳詔改次年元曰淳祐鑄淳祐元寶錢背文自
元字至十二二字止






又十一品折二錢背文與小平錢同




又一品大錢面文通寶背文當百銅質厚重過於諸大錢數倍




皇宋錢亦理宗鑄按理宗本紀淳祐十二年秋八

月辛巳詔改明年元曰寶祐食貨志曰寶祐元年新錢以皇宋元寶為文背鑄元字至六字蓋與仁宗皇宋通寶錢別也






又六品折一錢背文同前



開慶錢亦理宗鑄按理宗本紀寶祐六年十二月
 戊寅改明年元日開慶元年五月詔行開慶通寶
 錢背文元字








又一品折一錢背文元字






景定錢亦理宗鑄按理宗本紀開慶元年十二月

辛亥改明年元曰景定又按王圻續文獻通考景定元年九月詔改新錢文曰景定元寶背鑄元字至五字茲錄元字二字三字二品餘缺










又五品折二錢背文元字至五字其五字一品黃秀生從京都寄贈亦千里驚毛也






咸淳錢南宋度宗所鑄也按宋史度宗即位改元咸淳鑄咸淳元寶錢背文自元字至十字又按咸淳七年契丹建國號曰元至後宋之德祐景炎祥興皆無復置監開鑄矣余得六品悉錄之






又九品折口錢背文與小平錢同少九字一品



異齋所藏錢錄

遼錢九品




海陵費錫申編輯

天贊錢遼太祖所鑄也按遼史太祖於梁貞明二年稱帝國號契丹改元神册至梁龍德元年改元天贊後太宗會同元年改國號曰遼食貨志曰遼先代以土產多銅始造錢幣錢文天贊通寶



統和錢遼聖宗所鑄也按遼史聖宗即位復國號契丹改元統和董道曰宋太平興國八年遼鑄統和元寶錢




清寧錢遼道宗所鑄也按遼史道宗以重熙二十四年即帝位改元清寧洪志曰道宗鑄有清寧通

寶錢食貨志獨不言清寧鑄錢 欽定錢錄謂史書之缺也




咸雍錢亦道宗鑄按遼史道宗清寧十年冬改明年元曰咸雍二年復改國號曰遼董道曰遼鑄咸雍通寶錢時宋治平二年也



大康錢亦道宗鑄咸雍十年冬改明年元為大康
洪志曰大康錢有通寶元寶二種





大安錢亦道宗鑄按大康十年冬改明年元為大
安文曰大安元寶




壽昌錢亦道宗鑄按大安十年冬改明年元為壽

昌文曰壽昌元寶




乾統錢遼天祚帝所鑄也按遼史帝於壽昌六年
即位改元乾統食貨志曰天祚之世更鑄乾統元
寶新錢

金錢十三品




第二品
布是安
南泉


正隆錢金廢帝所鑄也按帝弒熙宗即位改元天德五年改元貞元四年改元正隆時宋紹興二十六年也食貨志曰金四十餘年皆用遼宋舊錢至正隆二年始議鼓鑄三年二月中都置錢監二京兆置錢監一文曰正隆元寶輕重如宋小平錢



大定錢金世宗所鑄也按金史世宗即位改元大定十年令戶部流通官錢十五年諭宰臣增鑄新錢十八年代州立阜通監二十七年曲陽立利通監金代鼓鑄於斯為盛其錢文曰大定通寶大小三品精好過於正隆





又四品穿上下有申酉二字紀年也



泰和錢金章宗所鑄也按金史章宗以正月甲午
 即位改元明昌六年改元承安五年改元泰和初
 章宗罷鑄錢自明昌以來無置監鑄錢事食貨志
 曰泰和四年八月鑄大錢一直十篆文曰泰和重
 寶與鈔並行有對文花紋製極精美



此二品乃
 小孩玩物
 不宜收





又一品奇製上覆荷蓋下鑄象形足踏朵雲中函錢式春草堂載有虎形等品此則尤異

附夏錢五品



天盛錢西夏仁宗所鑄也按西清古鑑曰仁宗即位改元大慶四年改元人慶五年改元天盛鑄天盛元寶錢



乾祐錢亦仁宗鑄按仁宗天盛二十一年改元乾祐文曰乾祐元寶有銅鐵二種



此安南泉

天慶錢西夏桓宗所鑄也按桓宗以乾祐二十四年改元天慶鑄天慶通寶錢書法與遼天祚帝錢有異



皇建錢西夏襄宗所鑄也按襄宗廢桓宗而自立改元應天四年改元皇建鑄皇建元寶錢



光定錢西夏神宗所鑄也按續筆乘曰古帝王以科第出身者惟吳大帝曾舉孝廉而神宗則以狀元及第更為稀有所鑄有光定元寶錢

附劉豫錢一品




阜昌錢偽齊劉豫鑄按豫以濟南太守叛宋降金據大名府金人敕立為帝僭號曰齊改元阜昌時宋建炎四年也鑄阜昌元寶錢

元錢十七品



至元錢元世祖所鑄也按元史世祖即位改元凡
二中統四年至元二十一年後順帝年號亦有至
元張氏新編載此錢於世祖時




大德錢元成宗所鑄也按成宗以元貞三年改元

大德張氏新編曰今世流傳有大德通寶錢然史
亦失載



至大錢元武宗所鑄也按元史食貨志曰武宗至
大三年初行錢法立資國院泉貨監以領之其錢
楷書曰至大通寶一文準至大銀鈔一厘又按草
木子曰元初只行鈔法而不鑄錢至至大錢惟官
裏行之



大元錢亦武宗鑄西番篆文曰大元通寶當五當

十錢也






皇慶錢元仁宗所鑄也按仁宗即位改元皇慶錢
文皇慶通寶食貨志失載





至正錢元順帝所鑄也按本紀順帝改元正統二
年至元六年至正二十七年食貨志曰至正十年




丞相脫脫始復建議開鑄置寶泉提舉司鑄至正通寶錢




又二品背文穿上有西番篆一字 欽定錢錄曰
前一品西番篆讀作巴納蓋梵語錢也





又二品折二錢第一品背文西番篆一字楷書一
字第一品惟西番篆一字




又二品折三錢背文西番篆與小平錢同



又一品當五錢背穿上西番篆一字





又一品當十大錢背穿上西番篆一字穿下橫列楷書壹兩重三字




又一品權鈔大錢按元世祖頒行中統鈔又頒至元皆錢鈔也武宗至大中行銀鈔仁宗初罷廢不

行至正中脫脫爲相復行新銀鈔卽所謂交鈔此
 錢面文至正之寶背文穿上一吉字左權鈔二字
 右一錢五分四字蓋權鈔者以錢權銀鈔也





又一品亦權鈔大錢背文有吉權鈔五錢五字誠
 巨製也

附韓林兒錢二品



龍鳳錢韓林兒鑄按至正十一年隸州劉福通播言林兒實徽宗後當為中國主建國號大宋改元龍鳳張端木曰龍鳳通寶錢字文適美



又一品折二錢


附徐壽輝錢三品




治平錢徐壽輝鑄按壽輝初為布賈因袁州僧瑩玉以彌勒教煽惑湖湘間倪文俊等推為帝稱國號曰天完改元治平時至正十一年也謝氏曰治平錢與宋製異

此品亦非
身南泉

此乃明泉
非徐天啓




天啓錢亦壽輝鑄按壽輝又改元天啓謝氏曰書法與明製異





天定錢亦壽輝鑄按壽輝後又改元天定新編曰天定錢以赤銅鑄字亦精美

附張士誠錢二品




天祐錢張士誠鑄按士誠初建國號曰周改元天祐後拔蘇杭諸路降元據地如故旋改國號為吳錢述曰天祐史誤作祐所鑄錢有大小三品此小平錢也背文一字






又一品當五錢背文五字篆文

附陳友諒錢一品



大義錢陳友諒鑄按茶巖逸考友諒本姓謝漁家
 子嘗作縣吏從徐壽輝為帥後自立為漢王旋弒
 壽輝稱帝僭國號曰漢政元大義鑄有大義錢三
 種此則折二錢





Inches 1 2 3 4 5 6 7 8 9 10 11 12 13

Centimetres 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

Kodak Color Control Patches

© Kodak, 2007 TM: Kodak

- Blue
- Cyan
- Green
- Yellow
- Red
- Magenta
- White
- 3/Color
- Black

